

TYPVS ASPECTVVM, OPPOSITIONUM, CONJUNCTIONUM, ETC. IN PLANETIS.



ASSIONES RESPECTU PLANETARUM INTER SE, quas Praefens TYPVS URANOGRAPHICVS exhibet. *Præcedente in hanc Descriptionem reiectas, ASPECTVS vocatur, & ex mutua Planetarum, quatenus in variis ac diversis Zodiaci partibus commorari cernuntur, si invicem respicientium habitudine ortum suum trahunt.*

ASPECTUS

ASPECTUS igitur est certa Planetarum positio, & habitudo inter se, quæ se mutuo aspicunt, & mutuo suo

aspectu certas quasdam *Configurationes* efficiunt; unde & ab aspicendo nomen sibi addidit: alias *Configuratio*, Græcis *γενεσις*, & *εὐζωία*. Tribuntur autem *Aspectus* Planetis solis, & non *Stellis Fixis*, quæ neque inter se mutuos *Aspectus* habent, utpote eandem semper inter se distantiam conservantes, neque etiam ratione Planetarum, qui intra Zodiaci limites se continent, cum *Stella Fixa* per totam Cæli concamerationem dispersa, tam intra quam extra Zodiacum commorentur.

DIVIDUNTUR AUTEM ASPECTUS I. RATIONE SPECIERUM. II. RATIONE ADJUNCTORUM, ET PROPRIETATUM.

I. DIVISIO

I. DIVISIO ASPECTUUM, RATIONE SPECIERUM DIVERSARUM.

I. ASPECTUS RATIONE SPECIERUM DIVERSARUM 1. Vel *Quinque* vulgo numerantur; 2. Vel *Plures* ab aliis ad illos adjiciuntur.

1. Quinque Aspectus.

1. *QUINQUE ASPECTUS* VULGO NUMERANTUR, SIVE CONJUNCTIO, OPPOSITIO, TRIGONVS, QUADRATUS ET SEXTILIS, qui hoc Ordine in *Scholis* commemorari solent. *Conjunctio*, *Sextilis*, *Quadratus*, *Trigonus* sive *Triangularis*, &

Distinctio.

Oppositio. Oritur autem hæc *Aspectuum* *Quinque* distinctio ex *Duodenario Signorum Zodiaci Numero*, qui in aliquot Partes, *Sextilem* 6. puta, *Tridentem* 4. *Quadrantem* 3. *Sextantem* 2. divisus, dictos exhibet *Aspectus*, adeo ut unus *Planeta* ab altero in certâ *Zodiaci* parte constituto, per *Sextilem* distans, atque ita sex *Signorum* intervallo se eidem opponens, *Oppositionem* efficiat; quod pari ratione fit in cæteris, dum *Triens* *Trinum*, *Quadrans* *Quadratum*, & *Sextans* *Sextilem* *Aspectum* causatur. Esset quidem adhuc *Aspectus*, qui *Vinculis* dicendus foret, ob *Vinitatem*, quæ etiam *Duodenarii Numeri* aliquota Pars censetur, & per quam unus *Planeta* ab altero abesse potest. Sed quia hic neuter ab altero alicujus *Signi* intervallo sejunctus est, sed potius uterque conjungitur; *Conjunctionis* *Aspectus* in ipsius locum successit. Atque hæc est ratio & ortus *Quinque* *Aspectuum* quorum alius est *Conjunctionis*, alius *Distantis*.

Uccialis Aspectus.

Conjunctionis Aspectus.

et cetera.

Conjunctio ex Aspectuum Numero peragitur.

Conjunctiones in Cælo fieri solent.

1. Capitis Arietis Signum Octava cum Capite Arietis

CONJUNCTIONIS ASPECTUS, SIVE *CONJUNCTIO* est duorum vel plurium Planetarum in eodem *Zodiaci Signo* vel loco conventus, ut *Solis* & *Lune* in *Novilunio*. Eius signum, vel nota est \odot . Licet autem hic solus *Aspectus* *εὐζωία* Græci vocandus esset, adeo larâ significatione tamen sumitur, ut etiam cæteris *Aspectibus* attribui soleat. Quod verò nonnulli ex *Aspectuum* Ordine *Conjunctionem* exorbare moluntur, perperam faciunt, eo quod hic *Aspectus* viribus suis ingentibus non minus pollet, quam cæteri, quorum beneficio, & opere *Virtutes Astrales Telluri* communicantur. Vocatur *Conjunctio* *ὁμοῦ* Græci, & fit quando duo aut plures *Planetae* sub eodem *Zodiaci Signo*, aut gradu versantur; unde liquet, hunc *Aspectum* non proprie, sed improprie *Conjunctionem* dici, ea propter quod quisque Planetarum proprium suum Orbem possidet, atque ideo sensu lato hæc *Conjunctionis* significatio extendenda est de Planetarum congressu, qui sæpenumero sub eodem, non autem in eodem *Zodiaci* gradu, & *Signo* consistunt. *Conjunctiones* autem, quæ in *Cælo* fieri solent, sunt diversæ, quas Ordine recensimus.

1. Capitis Arietis Octava Sphæra cum Capite Arietis No-

na Sphæra & *Primi Motus*, inter quæ *Capita Sphærarum* *Primi Motus* illarum hodierno tempore intercedit 29. graduum, & quod excurrit, intervallum. Fit autem hæc *Conjunctio* *Octava* & *Nona Sphæra* post utriusque circuitum, seu proprium motum absolutum, qui in *Nona Sphæra* est tardissimus, & diversis *Revolutionibus* ab *Astronomis*, in numero annorum dissentientibus, determinatur. Vocatur hæc *Sphæra* etiam *Calum Crystallinum*, & ob suam Diaphaneitatem, ac Pelluciditatem *Aqueum*, atque proprio suo motu super *Axe* & propriis *Polis* ab Occasu in Ortum fertur tardissime, uti modo dictum est; tempusque ipsum *Revolutionis* *Magnus Annus Platonius* nuncupatur, quo transacto

Magnus Annus Platonius.

πλάτωνος εὐζωία, ut *μετὰ τὴν ὁμοῦ* futuram, & res omnes in pristinum suum statum redierunt *Platonici* somniantur. Ex *Observationibus Timochari, Alexandri Magni* temporibus viventis, constabat *Pleiades* ab *Æquinoctio Verni* *Puncto* 20. gradibus distare, quas ab eodem *Initio Verni* 24. gradibus distare, *Observationes* sub *Domitiani* imperio peractæ docuerunt. Unde Artifices concludere, *Nona Sphæra* motu *Asterismum* illum ab *Æquinoctio Verni* 4. gradibus retractum, atque eandem illam *Sphæram* singulis Centenis annis uno gradu promotam esse. Hinc *Ptolemæus Revolutionem* ipsius 36. millibus annorum circumscripsit, quia *Circulus Revolutionis* illa percurrendus 360. gradibus constaret. *Vulgaris Astronomorum opinio* Periodum illam quadraginta novem annorum millibus circumscribit, sicut *Alphonsorum Calculus* docet. *Albategnius*, aliis *Abolometes* *Aretensis*, qui ante *Alphonsum* vixit, tempus illud Periodicum 23700. annis circumducit, quod *Copernicus* ad 25816. annos reducit, *Tycho Brahe* non definit, atque ipsius ætate ad 25200. annos restringunt. Quicquid sit, *Signa Cælestia*, ut & *Asterismi Astrales*, sedium suarum mutatione sæpenumero observata, promotionem suam ex Occasu in Ortum manifestè testari, hæcenus aliquoties indicavimus. An *Sphæra* alicujus *Zone* operationi hoc acceptum serendum, an verò ipsarum *Stellarum* proprio Motui attribuendum sit, *Astronomis* disquirendum relinquimus, qui *Hypotheticis* ejusmodi *Figmentis* tam enormes discrepantias conciliare tam diu frustra laborabunt, donec aliquando veriora & certiora fundamenta se ipsis obtulerint. Interim *Conjunctio* hæc cum futura intelligatur, quando *Caput Arietis* in *Zodiaco Mobili* per *Circulum* suum 360. graduum longitudinem obtinentem devolutum, redierit ad *Punctum* *Æquinoctii Verni*, unde tot gradus jam digressum esse observatur.

2. Sa-